

մար ուշադրութեան եւ հիացմունքի առարկայ: Յրանսացի մտածողներին թւում է, որ ամենալաւ կարգերի հայրենիքը Անգլիան է, ուր կարող է ազատօրէն դարգանալ մարդու ազատ բնութիւնը: Անգլիական գրականութեան արդիւնքները — Մօր, Գէֆօ, Բէկօն, Լօկկ — թարգմանում էին Ֆրանսերէն ու տարածում ժողովրդի մէջ: ԺԸ. դարի 20-ական թուականներէց սկսում են Ֆրանսացիների ուղեւորութիւնները դէպի Անգլիա: Ով ուղում էր իրեն պատրաստել կեանքի համար, անհրաժեշտ էր նկատում անպայմանօրէն Անգլիա այցելել: Յրանսացու համար անգլիացիք մի խելացիներջանիկ եւ հաւասարակչուած ժողովուրդ էին, որի մօտ պիտի գնալ սովորելու» 1):

Եւ յիշուի. Ժամանակի ամենանշանաւոր Ֆրանսացիները — Վօլտեր, Մօնտեսքիեօ, Ռուսօ Էն. — ուխտի գնացին Անգլիա՝ տեսնելու այդ «երջանիկ» երկիրը եւ տեղն ու տեղը ծանօթանալու անգլիական ժողովրդի եւ նրա ստեղծած գեղեցիկ կարգերի հետ:

Ուրեմն, եթէ այսչափ զօրեղ էր Անգլիայի ազգեցութիւնը մի լուսաւոր Յրանսայի վրայ, ապա հասկանալի է, թէ նա ո՞րքան աւելի զօ-

րաւոր պիտի լինէր մի Հնդկաստանի վրայ, որը Անգլիայի կալուածը լինելով, փաստօրէն նրա մի մասն էր կազմում, բազմաթիւ թեւերով կապուած նրա հետ եւ ամբողջովին նրա ազգեցութեան տակ էր դանւում: Հետեւագէտ բնական է միանգաման, որ Հնդկաստանում ապրող եւ Շահամիրեանի նման ընդունակ եւ աչքարաց մարդն եւս ազդուէր այդ գաղափարներից եւ օգտուէր նրանցով:

Անգլիայի քաղաքական կազմակերպութեան եւ այդ կազմակերպութիւնից հանուած քաղաքական ուսմունքների հիմքն են կազմում — անհատի ազատութիւնը, օրէնքի տիրապետութիւնը եւ ժողովրդի մասնակցութիւնը օրէնսդրութեան ու օրէնքի գործադրութեան մէջ:

Նոյն այդ գաղափարներն են, որ — ինչպէս տեսանք — Շահամիրեանն առաջարկում է ազազայ անկախ Հայաստանի համար:

Ահա թէ ինչո՞ւ անգլիական ազգեցութիւնը մեր հեղինակի վրայ կարող ենք համարել բոլոր ազգեցութիւններից ամենազլխաւորը:

* * *

«Որ. Փռոսց»ի աւելի հետաքրքրական մասը նրա երկրորդ հատորն է, որը կազմում է առաջին հատորի մէջ արտայայտուած մտքերի մի տեսակ թանձրացումը:

Այժմ անցնենք նրա համառօտ քննութեան:

1) Վիպլեր՝ «Դասագիրք նոր պատմութեան»:

Հ Ա Յ Կ Ե Ա Ն Ք Ը

(ԱՄՍԱԿԱՆ ՏԵՍՈՒԹԻՒՆ)

Գրեց՝ ՍԻՄԷԼ ՍԷՂ

ՀԱՅԱՍՏԱՆ

ԸՆՏՐՈՒԹՅՈՒՆՆԵՐ

Այս անգամ սկսենք ընտրութիւններից:

Ահա երեք ամիս է, յունուարի առաջին օրերից սկսած, որ ամբողջ Սորհրդ. Միութեան մէջ, կատարում են խորհուրդների վերընտրութիւններ: Եւ երեք ամիս է, որ Հայաստանի իշխանութիւնն ու Կոմկուսը ամբողջապէս կըլանուած են այդ գործով: Ժողով, ճառ, յօդուած, պլակատ, նախընտրական աղմուկ-ժրխոր, դեկրետներ ու հրահանգներ, հարիւրա-

ւոր կոմունիստներ ու պաշտօնեաներ զօրաչարժի են ենթարկուած — մարդիկ ընտրութիւններ են կատարում:

Նախանցեալ տեսութեան մէջ ասացինք արդէն, որ այս տարի ընտրական օրէնքը զգալի սեղմումներ է մտցրել քուէի իրաւունք ունեցողների վերաբերմամբ: Իբրեւ հետեւանք այդ սահմանափակումների, հազարաւոր քաղաքացիներ զրկուած են ընտրելու իրաւունքից:

Այսպէս, միայն Երեւան քաղաքում 3064 քաղաքացիներ յայտարարուած են ձայնա-